

ԳԱՐԵԳԻՆ Բ ԿԱԹՈՂԻԿՈՍ. «ՀԱՄԱՏԵՂ ԶԱՆՔԵՐՈՎ ԿԿԱՐՈՂԱՆԱՆՔ ԿԱՅՈՒՆԱՅՆԵԼ ԵՐԿՐԻ ՎԻՃԱԿԸ»

ՎԵՀԱՓԱՌ ՀԱՅՐԱՊԵՏԸ ՄԵԿՆԵՅ ՄՈՍԿՎԱ

Մայր Աթոռ Ս. Էջմիածին, 29 փետրվարի 2000 թ.:

Այսօր, առավոտյան, Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը Ռուս Ուղղափառ Եկեղեցու գահակալ, Մոսկվայի և Համայն Ռուսիո Պատրիարք Ալեքսի Երկրորդի եղբայրական հրավերով մեկնեց Մոսկվա:

Նորին Սրբությանը ուղևեցում էին Հայ Առաքելական Եկեղեցու Արցախի թեմի առաջնորդ Ս. Պարզև արքեպս. Մարտիրոսյանը, Մայր Աթոռ Ս. Էջմիածնի Միջեկեղեցական հարաբերությունների բաժնի գլխավոր քարտուղար Ս. Եզնիկ եպս. Պետրոսյանը, Ուկրաինայի հայոց թեմի առաջնորդ Ս. Նաթան եպս. Հովհաննիսյանը, Հարավային Ռուսաստանի թեմի առաջնորդական փեղապահ Ս. Մովսես վրդ. Մովսիսյանը, Մանկա-Պանկրատովի հայոց հոգևոր հովիվ Ս. Եզրաս արք. Ներսիսյանը, Ս. Արշակ արք. Խաչատրյանը՝ իբրև գավազանակիր, և Գերագույն Հոգևոր Խորհրդի անդամ Ռաֆայել Պապայանը: Մոսկվայում Վեհափառ Հայրապետի շքախմբին կմիանա նաև Ռուսաստանի հայոց թեմի առաջնորդ Ս. Տիրան արքեպս. Կյուրեղյանը:

Վեհափառ Հայրապետի անդրանիկ այցը Մոսկվա նպատակ ունի գորացնել երկու Եկեղեցիների դարավոր կապերն ու ջերմ հարաբերությունները:

Այցելության ընթացքում Նորին Սրբությունը հանդիպումներ կունենա Ռուսաստանի հայ համայնքի ներկայացուցիչների, թեմական խորհրդի և հավաքագրյալների հետ, կայցելի Մոսկվայում կառուցվելիք հայկական եկեղեցու փորածք:

Օղանավակայանում, ի պատասխան լրացրողների հարցերի, Նորին Սրբությունն անդրադարձավ և Հայրապետական իր մաղթանքը հղեց Հայաստանի նորակազմ կառավարությանը:

«Դրական ենք համարում, որ փոքրեր կուսակցություններ պաշտոններ են ստանձնել այս կառավարության մեջ: Հավատում ենք և հույս ունենք, որ համալրել ջանքերով մեր ժողովուրդը պիտի կարողանա բարձր կյանք կերտել, կայունացնել երկրի վիճակը և հանրապետությունը դուրս բերել փրկության, սոցիալական ծանր վիճակից»,- ասաց Վեհափառ Հայրապետը: